

TERMU REFERENCIA	Tékniku Profisional Junior -Lojistiku	Nu Ref: <u>47</u> /TITL/GDE/V/2025
		Aprova husi: Diretor Ezekutivu, & Diretor Ezekutivu Adjuntu data <u>21</u> / <u>05</u> / <u>2025</u>
		Verifika husi: Diretor Administrasaun & Finansas
		Prepara husi: Rekursu Umanu
Tipu Kontratu	Kontratu Termu Sertu	
Durasaun Kontratu	Fulan neen (6) ho possibilidade extensaun ba tinan 1	
Data Hahu Servisu	01 Jullu 2025	
Relata Ba	Diretor Administrasaun & Finansa	
Fatin Servisu	TradInvest Timor-Leste	

FUNSAUN PRINSIPAL:

Fo apoiu ba Jestaun Operaun ho servisu sira atu organiza, koordena, kontrola no halo jestaun ba operaun servisu aprovisionamentu haktuir Decreto-Lei no. 10/2005 21 Novembru, Rejime Jurídku Aprovisionamentu, Decreto-Lei no. 24/2008 23 Jullu, altera rejime jurídku aprovisionamentu, Anexo 2 "Quantias limites para iniciar as operações de aprovisionamento, avaliar e e aprovar a assinatura dos contratos públicos" (artigo 15).

DESKRISAUN SERVISU NO RESPONSABILIDADE:

1. Ajuda iha jestaun lojistika no kadeia fornecimentu ba atividade lojística no jestaun patrimóniu organizasaun nian ho efikás no eficiente, asegura katak rekursu sira disponivel bainhira presija tuir nesidade institusaun nian.
2. Mantein rejistu lojistika no baze dados kona ba partimoniu nian inklui halo monitorizasaun no avaliaun ba sasan lojistika.
3. Ajuda planeamentu no koordenaun lojistika.
4. Apoiu jere relasaun ho fornecedor sira tuir kontratu ka akordu estabelesidu sira.
5. Asegura katak inventáriu jere ho efikás no akuradu, nune'e mos halo identifikasaun, rejistu no atualiza dados kona-ba patrimóniu organizasaun nian (móvel no imóvel).
6. Halo avaliaun kondisaun patrimóniu nian regularmente, hodi garantia planu manutensaun ba patrimóniu sira.
7. Simu sasan no halo relatoriu simu sasan (R&I) hodi submete ba finansas.
8. Halo relatóriu lojística no jestaun partimoniu nian regularmente.
9. Kolabora ho departamentu sira seluk relasiona ho servisu lojistika no partimoniu iha institusaun
10. Asegura kumprimentu ba regulamentu no lei aplikável sira.
11. Atende formasaun relevantes iha área lojística no jestaun patrimóniu nian.
12. Hala'o knaar seluk tuir orientasaun husi Supervisor.

KRITERIA NO KUALIFIKASAUN:

- Sidadaun Timor-oan (feto ou mane) ho idade minimu 22 no maximu 45. Enkoraja feto atu aplika.
- **Edukasaun:** lisensiatura iha área relevante hanesan Jestaun no Administrasaun nian.
- **Esperensia:** esperensia servisu minimu tinan 2 iha area jestaun, administrasaun no Lojistiku.
- **Kuñeseimentu Tekniku:** Iha kuñeseimentu jere lojistiku, jestaun forneseimentu, no jestaun patrimoniu.
- Esperensia servisu iha instituisaun estadu, ONG nasional ka internacional, kompania privada iha área hanesan ho durasaun tinan 2.
- Iha abilidade hodi utiliza komputador ho diak, konhesimentu diak iha Microsoft Office (Word, Excel, Power Point), utiliza rede Internet.
- Fluente iha lian Tetum formal, no kapasidade iha lian Portugues, Ingles no Bahasa Indonesia sai vantajen boot.

ABILIDADE JERAL:

- Kandidatu/a tenki hatudu kódigo étika ne'ebe aas, hatene respeito, apresentavel, onestu, iha komunikasaun diak no klaru, no halo interaksaun ho ema ho oin midar.
- Kandidatu/a tenki iha kapasidade kontrola-an no pasiensia iha ambiente profesional;
- Kandidatu/a tenki jere situaun ho profesionalismu maske iha presaun laran.
- Kandidatu/a tenki pontual haktuir oras servisu nian.
- Kandidatu/a tenki iha abilidade komunikasaun ne'ebé diak no profesional.
- Kandidatu/a tenki iha vontade atu simu kritika no aprende husi fallansu sira.
- Kandidatu/a tenki prontu atu hanorin no fahe matenek.
- Kandidatu/a tenki iha abilidade atu servisu ho transparensia, integridade, servisu ekipa no lideransa.

Dili, 21 Maiu 2025


Arcanjo da Silva
Diretor Ezekutivu
TradInvest Timor-Leste, I.P.




Duilio M. G. A. da Silva
Diretor Ezekutivu Adjuntu
TradInvest Timor-Leste, I.P.